

四庫全書

子部

欽定四庫全書

子部
太玄經卷六

詳校官中書_臣呂光復

靈臺_郎倪廷梅覆勘

總校官進士_臣朱鈐

校對官主事_臣陳文樞

謄錄監生_臣李昇

欽定四庫全書

太玄經卷六

漢揚雄撰

晉范望注

從曹至養第六

☶

三方二州
二部二家

曹

人玄陽家五土中
中亦象明夷卦

陰征南陽征北物失

明貞莫不曹曹

行屬於土謂之曹者寒露節終於此首
之次四霜降氣起於此首之次五斗指

戌無射用事征行也陰南陽北故萬物失其明正
之適曹曹然故謂之曹曹之初一日入房宿三度初一

曹復睽天不覩其軫

一水也而在土行土克於水故曹
曹然也睽窺也曹晦也曹復而窺

天天道高遠不可觀
察故不見其軀界也

測曰魯復睽天無能見也

魯魯不明故無

能見也

次二明復睽天觀其根

二為目又為日故明也腹目俱明所照者遠觀于人

事無所不見故
觀其根者也

測曰明復睽天中獨爛也

無所不見故爛明也次

三師或導射豚其塤

師為瞽者也豚適也塤射的也木在土行數相克故瞽也亦為進人

人之欲進必須明分分之不明
猶瞽導射而適其夫志不正也

測曰師或導射無以辨

也
導者不明故無以別也

次四鑒貞不迷于人攸資

四金也故為鑒鑒之正者

猶為不迷況得賢者與為治乎于於也資取
也攸所也於人所取是者無過于鑒賢也

測曰鑒貞

不迷誠可信也

以賢為鑒可保信也

次五倍明佞光觸蒙昏

五為天子

當以賢自比為明自光家性曹曹
未知所就故倍明光而觸昏也
測曰倍明佞光人可

頻也
倍佞光明人所不錄也
次六曹曹之離不宜熒且姬
六為上祿而在

曹家故曹曹也曹猶蓐蓐也離為日熒謂月也君蓐然
若日之將出不可熒然若月之將毀也姬小貌也終當
如離離日也
故不宜小也
測曰曹曹之離中蓐蓐也
蓐蓐而進勝
次

七曹好明其所惡
七為失志在曹之家益以不明志失禍生惡加乎下好自文飾求明於人

故好明其所惡
測曰曹好之惡著不可昧也
惡而求明昧更著也
次八

昏辰利于月小貞未及星
昏日入也日入月出轉相繼續故言利于月也以月續日

可以小正故言小貞未
及如星爛布天下也
測曰昏辰利月尚可願也
以月繼日

故猶可願樂也上九時蹇蹇不獲其嘉男子折筭婦人易筭筭

飾也男子有筭婦人筭之以飾蹇蹇長歎也嘉善也男謂九也婦謂八也金木相克故筭折筭易故不獲其善也八生於七今力克之故七復仇而消男也測曰不獲其嘉男死婦歎也男

消亡而女長歎也

䷵ 三方二州窮人玄陰家六水陰氣塞宇陽亡其所萬

物窮遽行屬於水謂之窮者言是時陰氣盈滿於天地之間故曰塞宇玄離日閤天謂之宇是也故陽

氣無復所立萬物窮遽遽忙也故初一窮其窮而民好謂之窮窮之初一日入心宿二度初

中中忠信也陽位陰家君子之道也君子之道故有窮爾窮而不濫忠信之道也下大其中民之所好故好

也 中測曰窮其窮情在中也

上苟不欲民之所好在忠信也

次二窮不窮

而民不中

二為小人故不以窮為窮而濫竊足已故民不忠也

測曰窮不窮詐可

隆也

不可厚行詐也

次三窮思達

三為進人而在窮世故而自思以求達道有似仲尼之畏

於匡也

測曰窮思達師在心也

師循也思循文王之道也

次四土不和

木料楠

土為五也木謂三也木克於土故不和也土而不和吐生而不育故皆料枯枝葉不布亦金克

木之所致也

測曰土不和病乎民也

五為君位君而不和故民病也

次五羹

無糝其腹坎坎不失其範

範法也五為君位處於窮世世窮身約故羹無糝也土為

大腹腹大不充故坎坎也然而自約不失其正也

測曰羹無糝猶不失其正也

窮不易道故不失也次六山無角水無鱗困犯身皆山水之所蓄

而住窮世故獸魚託焉託而無救故身犯困也測曰山無角困百姓也萬物窮而無託

故百姓困者也次七正其足蹠于狴獄三歲見錄君火也亦綱

直而已而以盛火為水所克世窮見克若蹠獄也三終也苟自正直終歲之間獄事究竟三槐九棘理以正曲

曲得其情方見錄也測曰正其足險得平也世雖窮險貴得其平也次八涉

于霜雪累項于却霜雪以喻害也八為小人人小人在上

却卑卑高不敏難之所生下民履害涉履其難為己之累項高

故言霜雪霜雪木之害也測曰累項于却亦不足生也不敏之世不足

賢者之所生也上九破壁毀圭曰竈生龜天禍以他金九

也故稱圭璧為土所克故圭璧破也九為君子君子守義者也義然後取今在窮家羹而無糝坎坎不足故曰竈廢也龜虫也虫生於竈測曰破壁毀圭逢不幸也

圭璧

毀破故逢不幸也



三方二州割人玄陽家七火

陰氣割物陽形縣殺七

日幾絕

行屬於火謂之割者言陰氣甚急滅割物之形體陽無所據縣絕於天地之間餘去冬至四十

九日當言七七但言七者約數之也幾近也言於此至來復之日亦近於割絕故謂之割割之初一日入尾宿

二初一割其耳目及其心腹厲

一坎也故為耳目耳目所以見於遠心腹之臣

遠施耳目以昭明境外而見測曰割其耳目中無外也割止忠言不用故厲厲危也

耳目之臣而見割減故無外也次二割其肱贅利以無穢二火也火性外照陰為疾

瘻故有肱贅割而去之疾除穢去無累於身故言利也測曰割其肱贅惡不得大

也除其穢疾故惡不得大也次三割鼻食口喪其息主三為進人而在割損之世

苟念自進以鼻食口非益之道也君子之益隆基本上下相配也鼻者氣息之主也今而見割故喪息主也

測曰割鼻喪主損無榮也喪身之主無榮也次四宰割平平四為

公侯故稱宰平平切無私家性為割割君之祿以施於下平心正意各得其所故曰平平也測曰宰

割平平能有成也各得其所故有成也次五割其股肱喪其服馬

五為天子位陽家之土暗昧之主也服馬以喻臣也股肱良則庶事康今者割喪失其所任也故服馬喪也

測曰割其股肱亡大臣也

君道暗昧故大臣亡也

次六割之無創

飽于四方

宗廟之道下之所奉割損財貨以祿於下若水之性故無創也下得其道故四方飽也

測曰割之無創道可分也

以道為惠周流四方也

次七紫蜺喬雲

朋圍日其疾不割

紫蜺慶雲圍日災祥也先慶後災所以儆時也七為失志故為疾陽家之

陽故不割也

測曰紫蜺喬雲不知刊也

臣之不正不知刊除也

次八割

其蠹得必疾

八稱君子感天之變知下不正而除去之則得我心所疾也

測曰割其

蠹國所便也

割去不正便於國也

上九割肉取骨滅頂于血

肉以論民

骨以論君九者金也割害於八家性為割益以殘賊割取人民以及其君頂最於上故見滅也滅沒也

測

曰割肉滅血不能自全也

唯七不割故九不得獨自全也

三三

三方二州三部二家

止

人玄陽家八木上中象艮卦

陰大止物於上陽亦止

物於下下上俱止

行屬於木謂之止者霜降氣終於此首之次八立冬節起於此首之上九

言萬物上隔於陰下歸於陽各止其所故謂之止止之初一日入尾宿六度

初一止于止內

明無咎

陰陽隔絕各止其所故能如水內自清明時行則行時止則止故無咎也

測曰止于

止智足明也

知難則止智足明也

次二車勒侯馬箇止

二為平人不隱不仕

家性為止故車則勒侯而馬就止也

測曰車勒馬止不可以行也

晏然無求故不

行次三關其門戶用止狂蠱

三為門戶家性為止故門戶關也蠱淫也是故重門

禁暴客闕止狂淫也

測曰闕其門戶禦不當也

狂淫之人當禁止也

次四止

于童木求其疏穀

四為金而克於木故童木也而求其實非其時也果為疏穀也

測曰

止于童木求其窮也

求疏童木故窮也

次五柱奠廬蓋蓋車穀

均疏

五為天子位故稱車蓋奠置也柱置待廬猶置臣待君也君處重蓋之中故重言蓋也穀善也均平

也疏大也居上以道故平大也

測曰柱及蓋穀貴中也

貴處中央天之位也

次六

方輪廣軸軻其輿

六為上祿故有輪輿之事若齊車也七稱車六稱輿六克於七故坎

軻也測曰方輪坎軻還自震也

坎軻不安故震怖也

次七車累其虎

馬獵其蹄止貞

虎輪也輪而見累故云坎軻車累馬罷故蹄獵也輪累蹄獵不可乘行家性為

止故曰測曰車累馬獵行可鄰也車累馬罷不可以遠行止於鄰里次

八弓善反弓惡反

八木也故為弓善弓反發則善反其故也詩云四矢反弓言反其故處也

惡弓者不善發則偏然反也

善馬恨惡馬恨

善馬常恨養不足也惡馬常恨不早除也亦以

諭臣之善惡也春秋傳曰不早為之所是也弓馬皆惡故不可用也絕弮破車終不偃偃止

也弓馬不良猶臣不忠直故有絕弦破車之禍也測曰弓反馬恨終不可以

以用也弦絕車破不可用也

上九折于株木較于砭石止

九為金故稱石

反八則克木高上則石困進退不宜故言較于砭石也

測曰折木較石君子所止

也

君子守道正其所也



三方二州堅
三部三家堅
人主陽家九金
上中亦象艮卦

陰形胼冒陽喪其緒物

競堅彊

行屬於金謂之堅者胼固也緒業也言陰氣固盛陽失其業物競堅固故謂之堅堅之初一日

入尾宿
十度

初一磐石固內不化貞

陽家之陽在金之行母子之道故石固也磐石

之性不可動
移故貞也

測曰磐石固內不可化也

內能磐固故

次

二堅白玉形內化貞

家性為堅雖克其本不能消鏹適可鍛治以為器故內化也必成器

故貞也

測曰堅白玉形變可為也

以成器物故可為也

次三堅不凌

或泄其中

三東方也帝之所出在於堅冰之月命令當行今行不凌故或恐陽氣泄於中也君而不

密則臣不固臣不密則身之失也

測曰堅不凌不能持齊也

君臣相失故不齊正

也次四小螽營營蟬其翊翊不介在堅蟬

蟬德也翊國也四為公侯

小為有國有土也小螽以諭民也民而營營須德乃安國不在大亦不在小惟德所由道正德固故在堅德也

測曰小螽營營固其氏也

氏本根也本固則末彊也

次五翊大蟬小

虛

國小德大則民衆殷國大德小故民虛也

測曰翊大蟬小國虛空也

德不洽境

故民不足也

次六載蟬紗紗縣于九州

六為土祿言載德者德輕如毛民鮮能舉

之故言紗紗也以細微之德臨有九州九州之民縣命太虛故曰縣于九州也

測曰載蟬之縣

民以康也

祐民以德故康寧也

次七堅顛觸冢

七為失志顛冢皆論高也志失行張

故能自高堅高具行觸長若冢也

測曰堅顛觸冢不知所行也

苟能自高不如

世間之所行也

次八悃堅禍惟用解蟻之貞

東方為龍故諭以解蟻也

故謂之貞也堅悃其禍不能以情服唯直者而正之也

測曰悃堅禍用直方也

蟻解

為獸知直之方也

上九螽焚其翅喪于尸

土火入木木在火上炎焚揚起故燒九也

尸主也翅以諭民而見焚君將安立故主喪也

測曰螽焚其翅所憑喪也

於君君賴於民而見焚故主亡也



一三 一三 一三 一三 一三 一三

三方三州一家

成人立陽家一水陰氣方消陽藏於靈物

濟成形

行屬於水謂之成者言此時陰氣方消靜於六位陽氣藏於靈祇之底謂地中也故萬物成其

形體故謂之成成之初一日入尾宿十五度

初一成若否其用不已冥

一君子也

不有其功雖有所成猶若否也
常而若否致用不已故冥也
測曰成若否所以不敗

也
謙以得之故
次二成微改改未成而殆
二火也而在於水雖當相

害家性為成成熟於物當須水火今水
在火下故言未成未成而改故殆也
測曰成微改改

不能自遂也
未成重改故
次三成躍以縮成飛不遂
三為

進人故欲上躍躍而失位當反其故故以縮言之也家
性為成苟成而飛躍就尊位據有於衆人貴成功而不

追逐而
責之也
測曰或躍以縮成德壯也
必得高位
次四將成

矜敗
四為公侯官亞天位據下行陽奉上循陰臣
道默從歸功於五而將自矜非道之正也
測曰

將成之矜成道病也
居下自矜
次五中成獨督大
五為天位

處中履和故曰中成尊無與比故謂之獨董督四方故大也

測曰中成獨督能處中

也

能處中央督天位也

次六成魁瑣以成獲禍

六為上祿故魁然也瑣細也六近於

五土克於水故為之瑣雖居上祿而不崇讓必見克害故獲禍也

測曰成之魁瑣不以

讓也

功成不讓禍之招也

次七成闕補

七為失志故闕成也陽家之陽君子之道也君子之

道善於補愆故有闕則補之也

測曰成闕之補固難承也

補所愆者難承繼也

八時成不成天降亡貞

八木也秋之所成也秋之所成而不所成者天降災也天降之

災故曰亡貞也

測曰時成不成獨失中也

宜成不成失中正也

上九成窮

入于敗毀成君子不成

陽家之陽故稱君子君子之言示端而已也成事不說故曰不

成九為成終故曰窮也
窮當更生故小毀也

測曰成窮以毀君子以終也
竟終

成道君子
之終始也



三方三州
一部二家
闕人立陰家二火
下中象噬嗑卦
陰陽交跌相闔成一具

禍泣萬物

行屬於火謂之闕者言此時陰盛陽藏交跌
易位闔閉於下闔密如一萬物皆泣其禍未

除故謂之闕闕之初
一日入箕宿一度

初一圓方杌梲其內竅換
家性為
闔當密

如一而水在火家更相克
動如圓鑿方柄杌梲不安

測曰圓方杌梲內相失也
杌梲

不安故
相失也

次二闕無間

二火也而在其行二火合
會闔密如一故無間也

測曰無

間之闕一其二也

一陽二陰
道相受也
次三龍襲非其穴光亡于

室

三為龍立冬之後故襲穴也念進於四故非也苟進非次失位妄據故無光榮於其室也測曰龍

襲非穴失其常也

非穴亡室故云失常也

次四臭肥滅鼻利美貞

四為公侯五為天位天位稱肥四親近之故稱臭肥也鼻以和氣金在大家火爍於金故滅鼻也以陰求陽故利奉近尊位故美貞也測曰滅鼻之貞沒所勞也

上附至尊故沒身不殆也

次

五齧骨折齒滿缶

四為膚五為骨骨以諭陽四為口齒之象也行克於四故齒折也五為土

器故謂之缶陽氣在下六位純陰故言滿缶言陽氣滿土下也測曰齧骨折齒大貪利

也

下克於上故毀折也

次六飲汗吭吭得其膏滑

六為上祿汗潤澤也神靈所祐

故潤澤多吭吭然也百姓蒙福若膏澤之濡滑也

測曰飲汗吭吭道足嗜也

祚福

天降故足嗜也

次七闕其差前合後離

木生於火七進得八與母同位故前合也退而

得六六水克之故後離也

測曰闕其差其合離也

進合退離位次然也

次八輔

其折虛其缺其人暉且偈

八木也在火之行火盛金衰故八輔之也金在火行故缺

小也母大以德虛之覆蔽其瑕故虛其缺也能掩二惡見己二美既有光暉當為英偈

測曰輔折

虛缺猶可善也

掩惡見美故可善也

上九陰陽啓告其變赤白

金九

也啓開也此十月之首陰盛陽開今當襲外故開告也金王火廢故變赤為白也

測曰陰陽啓

告極則反也

極陰反陽也



三方三州一部三家

失

人玄陽家三木下上象大過卦

陰大作賊陽不能得物

陷不測

行屬於木謂之失者立冬節終於此首之次一
小雪氣起於此首之次二斗指亥應鍾用事言

此時陰大賊陽陽無所據二氣不和萬物之生無所
測立陰陽相失故謂之失失之初一日入箕宿六度初

一刺虛滅刃

虛空也刃滿也水為薄首故謂之
刺順流刺下滿滅於空虛之地也

測曰刺

虛滅刃深自幾也

深以幾微
自戒也

次二藐德靈徵失

藐小貌
二稱小

人故小德也靈神也徵祥也小德之人
不知天命家性為失不敬靈祥故失也

測曰藐德之失

不知畏徵也

不達天命故
不知畏也

次三卒而從而卹而竦而于

其心祖

從卹竦皆是憂懼憂懼卒至之貌也而辭也祖
始也憂懼卒始猶可心慮三未居官而近於四

恐卒見克害
故竦憂也

測曰卒而從而能自改也

見憂而改
則無憂也

次四

信過不食至于側匿

四為公侯陽家之陰則為小人居位故信過也既過而失故不

食也居祿不當故有側匿也

測曰信過不食失正祿也

應食而不食故失祿也

次五黃兒以中蕃君子以之洗于愆

五為天子有輔相之臣土生於火

謂七也故言黃兒謂年老有黃髮兒齒之微也以自蕃輔承之以正故君子洗愆也

測曰黃兒以

中過以洗也

洗垢除愆君子所以得衆也

次六滿其倉蕪其田食其

實不養其根

六為大位小人居之不修其德而據上祿倉滿田蕪百姓罷極食實固恨本基不固

家性為失失之甚也

測曰滿倉蕪田不能脩本也

本不田而獲

次七

疾則藥巫則酌

七為君子當反佐五忠告善道吐言如藥巫以謝闕闕除疾瘳酌以福之也

測曰疾藥巫酌禍可轉也

雖在失家以良臣自輔也

次八雌鳴于辰

北角魚木

八為飛鳥亦為聲音故言鳴也八又陰位故謂之雌尚書曰北難無晨此之謂也北宜童

而角魚宜水而木家性為失失之甚也

測曰雌鳴于辰厥正反也

緣木求魚故正

反上九日月之逝改于尸

九為金也而在於木有克木之愆陽稱君子君子之道執

行於世雖沒猶存九為失終不以年高日月已逝具有得失雖在尸樞猶念自改故曰于尸也

測曰改

于尸尚不遠也

言其志尚不以所失遠也

䷗

三方三州二部一家劇人玄陰家四金中

陰窮大泣陽無介儔

離之劇

行屬於金謂之劇者儔匹也離附也是時陰氣大盛奪陽之勢陽無一介以養萬物萬物附離

於陰陽方當外陰當窮訖故大泣也羣匹窮
劇故謂之劇劇之初一日入箕宿十一度 初一骨

其肉內幽骨幹也累猶禍也幹以諭君幽內也肉以諭

故言內 測曰骨累其肉賊內行也骨肉之禍皆由內也 次二血出

之蝕凶貞火在五行欲克於金末不克本故言血出凶

止則為貞止以相 測曰血出之蝕君子傷之也二為君子恐傷

金 次三酒作失德鬼睽其室睽見也金生於水鬱水加

道之人未能蘊藉故酒失也失 測曰酒作失德不能持

也蘊藉持已 次四食于劇父母采餒若四為中祿而在

不及亂也

餽熟食也若順也采取也美食父母之順也

測曰食劇以若為順祿也

天子得祿

父母順取也

次五出野見虛有虎牧豬撻絳與襦

五土也故稱虛四為

虎六為豬五為君位而在劇世處於政治百姓去之如虎之牧豬喻益走撻其襦絳也

測曰出野

見虛無所措足也

避世而無所錯足也

次六四國滿斯宅

六為上祿下之

所仰如水之赴海故以滿宅諭也

測曰四國滿斯求安宅也

民蒙其福故安居也

次七鹿而半而戴禍顏而

而辭也七為失志年過失志鹿然半白而不改變故曰戴

禍禍在其顏見可知也

測曰鹿而半而戴禍較也

戴禍在顏較然可見也

次

八餅累于緇貞頤

頤純也餅所以出水須緇以汲之猶君須於民以及祿也君祿養民故曰

貞純也

測曰鉞疊于緇厥職迫也

職主也迫近也金克於木迫於九也

上九

海水羣飛蔽于天杭

天杭天漢也金生於水故稱海水羣而飛雨之象也亦猶劇世人

去其君不可掩蔽若天雨也

測曰海水羣飛終不可語也

劇世之民不可解語

而止之也

三

三方三州二部二家 駟 人玄陽家五土中中象坤卦

陰氣大順渾渾沌無端莫

見其根

行屬於土謂之駟者言陰氣已順渾渾沌無端包其根原故當駟撫故謂之駟駟之初一日入斗

宿四度

初一黃靈幽貞駟

一為君子居土之行故謂之黃中央之色求克於一故謂之靈

駟者順從於土故幽貞也

測曰黃靈幽貞順以正也

順其性故正也 次二蠓

其膏女子之勞不靜亡命

二陰也膏潤澤也陰受於陽猶臣受於君妾受於夫也靜

安也國以安則潤澤以至生育女子之勞也不安不育是亡君夫之命也

測曰蠅膏之亡不

能清淨也

女子勞類故不清靜也

次三牝貞常慈衛其根

牝陰也貞正也

陰道常慈順於君則能衛其本根也

測曰牝貞常慈不忘本也

能衛其根故不忘本

也次四徇其勞不如五之豪

徇衛也四為臣道有勞能自徇衛欲人稱知之故不

如五處柔順之尚以道得衆有豪友也

測曰徇其勞伐善也

自衛其勞故伐善也

五靈囊大包其德珍黃

五處尊位包有四方如有囊之所裹括也家性柔順故可珍愛

也測曰靈囊大包不敢自盛也

括囊其德不自盛大也

次六囊失

括泄珍器

六水也家性為順水性順下不可停貯故囊失括也括之不密珍器不固猶君不密則失

臣測曰囊失括臣口溢也

囊失括故口溢也

次七方堅犯順利

臣貞

七火也火性有恒寒暑雖至不為增減猶正直之臣堅意犯顏不變其色臣之正也

測曰方

堅犯順守正節也

固意不撓故守節也

次八馴非其正不保厥命

八木也是金之財宜當順從反順其子欲上害九子上介八遠不能救木必見克故不保其命也

測曰

馴非其正無所統一也

所順非正故一無所統也

上九馴義忘生賴

于天貞

家性為馴九為之終終於善道展義忘生必得其正唯天知之故賴于天也

測曰馴

義忘生受命必也

順而以義必受命也



三方三州
三部三家
將人玄陰家六水

陰氣濟物乎上陽信將

復始之乎下

行屬於水謂之將者言陰成物於上萬物順而相將故謂之將將之初一日入斗宿

九初一將造邪元厲

厲危也元始也一為下人造欲作邪上侵於二火性炎上不得侵侵

而不得已自危懼故始厲也

測曰將造邪危作主也

作主常危故厲者也

次二

將無疵元睟

睟純也二為平人而在將大之家故無疵瑕也人無瑕疵故大純也

測曰將

無疵易為後也

純厚之人故易為後也

次三鑪釣否利用止

治為鑪陶

為釣三為進人已見陶冶當升祿位四不可犯故利用止也

測曰鑪釣否化內傷也

進而不止恐見傷損也

次四將飛得羽利以登于天

四為公侯當賓于王有羽

翼之助如鳥將飛也故為利登于天也

測曰將飛得羽其輔彊也

將飛得羽以益

也 彊次五大爵將飛拔其翮毛羽雖衆不得適

五為陰家之陽小人

之象雖在天位其道不正故稱大爵爵大人微如鳥將飛而失其翮也無翮失羽不得適也

測曰大

雀拔翮不足賴也

羽翮不足故非賴也

次六日失烈烈君子將哀

降

降下也五為日中故六為日失也烈烈盛也日之熱恒在中之後故言烈烈也日稱君子時過將暮故將

哀降也

測曰日失烈烈自光大也

雖衰猶烈故大也

次七趺舩跋

車其害不遐

七為失志舩車載治之具賢者亦治世之具也失志之王故羈趺之不親治正故害

不遠也 測曰趺舩跋車不遠害也

棄治之具害自已括故不遠也 次八小

子在淵丈人播船

八木也故稱船為祖父故稱丈人小子謂百姓也在禍難中若在淵也丈

人播船而濟之猶以禮義濟於世也

測曰丈人播船濟溺世也

濟溺之急唯船是用

丈人得之也

上九紅蠶緣于枯桑其繭不黃

九為毛蟲故為蠶蠶之初生有

毛為老故為紅桑謂八也為九所克故枯也在八之上故緣也蠶須桑民須食老蠶遇枯故紅繭不黃也食槩桑者其繭黃測曰緣于枯桑蠶功敗也

大而緣走故敗也



三方三州難人玄陽家七火三部一家難上下象蹇卦

陰氣方難水凝地拆陽

弱於淵

行屬於火謂之難者大雪之節陰氣亢極水凝地拆陰極陽生方當龍變度難却而已故謂之

難難之初一日初一難我冥冥

初九將起難却羣陰而入斗宿十三度初九尚在地言難

我冥冥也我謂陰氣也

測曰難我冥冥未見形也

尚在地下故形體未見也次

二凍冰瀆狂馬喘木

瀆敗也冰而得火故敗也二為馬火中之馬若狂之象也喘差也陽

在木下差次當上故言差木也

測曰狂馬喘木妄生也

氣遠來復如妄生也次三

中堅剛難于非常

首居寒難家性屬火木常是時枝葉搖落復為火所燥故中堅剛也陰氣

極盛陽未發生難非常也

測曰中堅剛終莫傾也

雖為陰困木終不傾也次四

卵破石

破四為難故稱卵卵在金石之間故破也卵陰物也為陽所亂故破也

測曰卵破

之卵小人難也

卵而破敗故大也

次五難無間雖大不勤

五為天位

而在難世重門居尊不可得泄故無間也居上臨下下之所奉故不勤也測曰難無間中密

塞也

重門自固故中密也

次六大車川川上較于山下觸于川

六為

上祿故乘大車也上則較山謂九在上也川重近之貌也下觸于川謂車非水物也

測曰大車

川川上下較也

較於山川者也

次七拔石矜矜力沒以盡

石以諭難

矜矜難致之貌此難世也失志之王不可輔正雖當託忠矜矜如石非才所堪故力盡也

測曰拔石

矜矜乘時也

乘於時難故力盡也

次八觸石決木維新折角

陰為石陽

氣當上觸陰而進故觸石也八為龍木當用事金克於木故折角也

測曰觸石決木非所

治也

以弱治剛故非所任也

上九角解豸終以直其有施

解豸直獸也有

疑則以角觸之乃別其曲直也而終為人別曲直故可施行也

測曰角解豸終以直之

也

稟性平直終不曲也

䷌

三方三州三部二家勤上中象坎卦

大陰凍涇難創於外微

陽邸冥膂力於內

行屬於木謂之勤者言是時陰氣尤壯陽從九天當下於泉將甚勤勞故

謂之勤勤之初一日入斗宿十八度

初一勤于心否貞

水出於泉而流百川晝夜不伏實勞

其心故勤于心也陰當降退故否陽正當上故貞也

測曰勤否貞中不正也

水唯赴下

無常正也

次二勞有恩勤恹恹君子有中

二火也子在母行母氏勞苦勞而不

怨恹恹之意也恹恹信恹之貌君子信恹故有中誠也

測曰勞有恩勤有諸情也

恩勤之意情有之也

次三羈角之吾具泣呱呱未得繼杖

吾者我也我謂

二也二為三子而見羈角不恃不求何用不臧義不犯
難故泣呱呱也幼者宜繼老者宜杖勤苦之家故未得

也測曰羈角之吾不得命也更相羈角不得次四勤于

力放倍忘食大人有克克勝也四為公侯而在勤家故

大人者亦測曰勤力忘食大人德也大人在勤以成次

五往蹇蹇禍過福遠五為天位蹇蹇平直也家性為勤

禍近也七生於金故福遠也測曰往之蹇蹇遠乎福也言所福者次

六勤有成功幾于天六為宗廟下之所奉勤苦之世故

于天測曰勤有成功天所來輔也天之所助次七勞牽

不其臯于尾弊

七為繩故牽也牛為馬馬牛之類也牽牛不其鼻而尾者故勞弊也

測曰

勞牽之弊其道逆也

舍臯取尾故逆也

次八勞蹻蹻心爽蒙柴

不却

蹻蹻慙貌也爽差也八為疾疾年老抱疾故測有慙也老木稱柴心雖差戴蒙柴自終不戴也

曰勞蹻蹻躬殉國也

殉衛也勤力之家以身衛國也

上九其勤其勤抱

車入淵負舟上山

家性為勤九為之終終於勤苦之事舟反上山車反入淵反覆之難故重

其勤也

測曰其勤其勤勞不得也

車淵舟山不得其所之也



三方三州三部三家

養

入玄陽家九金上上象順卦

陰弼于野陽蔭萬物赤

之於下

行屬於金謂之養者言是時陰氣盛極陽氣隱藏淵深萬物之根芽使皆芽赤於地下養長使

出故謂之養養之初一
初入斗宿二十二度
初一藏心于淵美厥靈根美茂也水

最在下故為淵靈根道德也家性
為養養神於淵道德彌盛故茂也
測曰藏心于淵神不

外也在於淵中
故不外也
次二墨養邪元函否貞貞正也元始也
函容也二者陰

位故稱墨也火在五行恐見克害故言養
邪始見容載故貞終也不相讓故否也
測曰墨養邪

中心敗也邪於中故
心敗也
次三糞以肥丘育厥根芟三木也
火生土

故三為肥丘木生肥丘根芟見育猶君
子以義化人人得以如草木之生肥丘也
測曰糞以肥

丘中光大也民蒙君化
故光大也
次四燕食扁扁其志僂僂利用

征賈四為公侯之位陽家之陰又稱小人而居大
位不能以正扁扁若燕既飛且食或得或失僂僂

然也允為口舌故利行賈明

測曰燕食扁扁志在賴也

賴利也志在

次五黃心在腹白骨生肉孚德不復

天五為

多色稱腹在中為黃腸為

而君

黃心黃中通理

次六次次一日三餽祇牛之兆肥不利

六為宗廟次次次雖不安之貌也祭祀之事惟疎惟懼

猶不可數數則致瀆瀆則不敬家性為養雖當養神一

日三餽猶為數也是養牛

之牛待肥則次七小子牽象婦人徽猛君子養病

謂六

用故無身也

也婦人謂四也五為中六牽之也三為虎而四在前故

徽墨之也故七為君子六四勞病故七養之馳騁發狂

也 故病

測曰牽象養病不相因也

小子婦人各不相因緣也

次八鯁不

脫毒疾發鬼上壘

八為疾癰小人居之故有鯁害不脫之疾鯁而不脫故毒發也木近於金

當見克害害人為鬼故鬼上壘也

測曰鯁疾之發歸于墳也

疫發鬼見故歸于墳

也上九星如歲如復繼之初

九為金石之精上為星宿星宿之相次如歲月之相

襲新故相易周而復始後嗣之君復為之初初為故也先後相傳終始相扶以道相養轉相迎致百世不遷玄之道

測曰星如歲如終始養也

終始相養不相越失也

躋贊一

屬水象閏

凍登赤天晏入玄泉

一水也而次於九者金所生也言玄道相

襲不常所終而已故益之以水火贏歲之數故有二贊凍至寒也而天至高也晏至熱也而泉至深也以井中

之凍知天日之熱以卑知高氣應然也水王於天建測
子之月寒而登天熱而入泉以避其害無怪異也

曰凍登赤天陰作首也

凍在天上故為首也

言贏贊二

屬火象閔

一虛一

贏踦奇所生

二南方也盛夏之時萬物所長而繼之養首下者言當養盛萬物也晝夜贏虛踦奇

其數以滿三百六十五日四分日之一贏虛之所生也
玄有三方九州二十七部八十一家二百四十三表七
百二十九贊而生二萬六千二百四十四策以周三百
六十五日四分日之一七十二策為二日故得一三百
六十四日有半不起四分日之三應得五十有四策乃
成之耳故有水火二贊以合歲之日也如此則歲盡於
亥及子復生矣也

測曰虛贏踦踦禪無已也

陰極陽生更相禪代無窮已也

太玄經卷六

欽定四庫全書

太玄經卷七

漢 揚雄 撰

晉 范望 注

玄街第七

中則陽始

始於子也

應則陰生

生於午也

周復乎德

在陽方也

迎逆乎

刑

居殷鄉也

磧大戚

難致憂也

遇小願

得所求也

閑孤

道閑塞也

而竈鄰

致養

福也

少微也

得寒氣也

大肥也

陽日逝也

房內反

二氣乖也

廊外違

陰陽離也

上觸素

物初生也

文多故

須飾成也

干狂也

道不順也

禮方也

事之常也

好

則來

陽氣章也

而逃則亡

物退藏也

羨私曲

行不廣也

唐公而無欲

大蕩

蕩也

差過也

不齊整也

而常穀

善之常也

童寡有

物蒙蒙寡有識也

而度無

乏

施不窮也

增始昌

萬物息也

而永極長

文武德也

銳執一

一生不二也

而昆

大同

衆所庇也

達日益其類

陽氣暖也

減日損其彙

與達反也

交相從

也

二氣交泰也

嗟不通也

陰不化陽不通也

熒有畏

見難縮也

守不可

攻

門戶密也

侯也出

待時動也

翕也入

往退不往也

從散也

取其主也

而聚集

也

物用崇也

進多謀

計所從也

積多財

物歸載也

釋推也

物始變也

飾哀也

不退

格好也是

拒羣陰也

而疑惡也非

陰克陽故惡而非之也

夷平

物易

直而視傾陰氣息也樂上揚陽出中也沈下藏萬物喜樂陽氣上而清明羣類湮沉

陽氣而藏肅殺志玄宮也爭士齊也各自矜也內女懷也人之情也務則憲勉自

強為也而去則悲失故鄉也事尚作萬物各致其力也晦尚休冬物靜也更

變而共笑彼自改故喜而笑也曹久而益憂閹致咎也斷多事平是非也窮

無喜多所悲也毅敢果不疑也而割憊困於時也裝徙鄉陰微去也止不行

二氣往也衆溫柔立夏節也堅寒剛亦立冬也密不可間陽親天也成不可

更物形堅也親親乎善陽氣仁愛也闕闕乎恩萬物察也斂也得物所聚也

失亡福惡之府也彊善不倦乾行健也劇惡不息陰凌息也晬君道也

陽氣純也 馴臣保也

奉其君也

盛壯

陽氣充也

將老也

陽之窮也

居得乎位

物有因也 難遇乎詘

陽淵也

法易與天下同也

天下之事同法式也

勤苦

而無功也

負舟上山徒費力也

養受羣餘君子養吉小人養凶也

玄終於養故曰羣餘也陽以為吉陰以為凶君子小人較可知也

玄錯第八

錯難也難而說之也

中始周旋

玄始於中首至周首而旋復也

羨曲毅端

行不正故曲也毅信其志直為端也

辟文之道或淳或班

淳辟其道班有文也

彊也健

不休也

僊也弱

有

須積也多

積畜盛多也

而少也約

謙不盈也

視也見

物所形也

而晦也

晉

世不明也

童無知

幼未小也

盛而有餘

氣壯也

去離故

他所以

而將

來初

陰氣窮也

大也外

陰在中也

而翕也內

物退降也

好也進

陽氣進也

更

也退

見難而縮也

樂佚過

物以長也

勤蹶蹶

勞無常也

達思通

道相致也

窮

思索

萬物遽也

于在朝

物始出也

而內在席

陽藏營也

差自憎

過為惡也

飾

自好

人所擇也

格不容而昆寬裕增日益而減日損馴奉令

臣所制也

而房相反

乖於事也

釋也柔

物脫枯也

而堅也剛

下剛以革姦也

夷

平易

氣所傷也

而難頡頑

非其常也

斷多決

重以方也

而疑猶與

當節量也

逃有避

陽害陽也

爭有趣

物相貪也

進欲行

萬物襲也

止欲驚

上下違也

廊

無方

不限疆域也

務無二

一心專一也

應也今

權時宜也

而度也古

權不達也

迎知前

承也氣相承也

永見後

事長久也

從也牽

物趨陽也

守也固

不可攻也

拔難

宜大也

劇無赦

臣困君也

唐蕩蕩

公無私也

而閑瘞塞

陰陽離也

更

造新

變刑勢也

常因故

不改計也

失大亡

物淪退也

倣小得

陰聚內也

竈好

利

養無窮也

法惡刻

正不中也

禮也都

動合儀也

而居也室

人所歸也

聚事

虛

地上將虛陰所收物也

衆事實

物充多也

闕也皆合二

陰陽離

而密也

成用一

二氣和也

上志高

陽登氣也

沉志下

相思待也

交多友

人所敬也

嗟

少與

儉且吝也

銳鏘鏘

進無二也

曹劌跽

行不進也

親附䟽

重宗網也

割犯

血

不隱親也

遇逢難

陰害陽也

裝候時

徒故鄉也

事自竭

致其力也

養自茲

禪無極也除有格昆增減成五首不在錯中司錄曰八十一首錯相成也如此明當有之今而不見愚意以為

玄更二漢宋陸二家以今處當亦幾於漏脫也格也乖而昆也同增有益而減

有損成者功就不可易也

宋仲子云雄本不書此五首自格至成宋仲子添之陸云

格昆增減脫誤審也陸釋自有成首云成者功就不可體也

玄攤第九

攤張也言張舒其大目也

玄者幽攤萬類而不見形者也

幽深也攤張也萬類萬物之類也言玄幽冥深

遠故張舒萬物之類然而不見其形者也

資陶虛無而生乎規

資取也陶養也虛空也無

欽定四庫全書

卷七

無形也。規圓也。玄取象天地空虛無形之氣，推積為一，以九數得萬物數，以為玄形。故曰：生規，天規圓也。攔

神明而定摹。

攔闕也。若手相闕付，故字有手也。摹數也。玄乃闕天地神明之事，以定於一運九數。

其道分明，若手相闕付，故曰而定數也。

通天古今以開類。

古謂庖犧今即隨世也。玄乃緣

絡於天地通古今之器，開陰陽之氣，同萬物之類也。

攤措陰陽而發氣。

措猶設也。謂張設陰

陽之道，以發休咎之氣也。

一判一合，天地備矣。

判謂純陰，純陽也。合謂陰陽交錯，開陰陽

交錯以生萬物，備滿於天地之間也。合俗云夫婦判合此之謂也。

天日迴行，剛柔接矣。

迴猶運也。天運如西日運如東，天日運行陰陽相交，以成晝夜之道也。

還復其所終始，定

矣。

謂天晝夜運行周而復始，故言還復其一生一死性所也行無遲疾，度不參差，故終始定也。

命瑩矣

瑩明也上句說天及日此句言生死正謂月之晦明生死之道晦明得度天之性命可謂明也

仰以觀乎象俯以視乎情

仰觀俯視天之形象地之情性皆可也察性知

命原始見終

言當詳察太玄性命天地人之道終始可見也

三儀同科厚薄相

剝

三儀謂天地人也科法也厚薄謂陰陽也陰濁故厚陽清故薄陰陽相剝以生萬物天人同法而養制也

圜則杌斲方則嗇叁

圜謂天也天動故杌斲方謂地也易曰坤為叁嗇主收藏此之謂也

噓則流體噍則凝形

噓謂呼也噍猶噏也呼謂之陽噍謂之陰春陽之氣流潤萬物之形

體冬陰則凝滯而成形也

是故闔天謂之宇闢宇謂之宙

闔天地晝夜之稱謂

之謂字如屋宇之所覆也闢謂開天地晝夜之稱爾宙猶暢也宇之開闢明暢於天下也

日月往來

一寒一暑

日月往來於天以寒暑成歲也

律則成物歷則編時

律謂六律也陽

為律陰為呂物以陽成故曰成物也歷謂治歷明時編次歲事也

律歷交道聖人以謀

道謂天地陰陽之道也律以候氣歷以編時敬授民事則聖人之所諮謀也聖人謂若堯命羲和之類也 畫

以好之夜以醜之

好事在畫醜事在夜醜好遘難萬物化生也

一晝一夜陰

陽分索

陰則為夜陽則為晝索數也夜分為別以分四時也

夜道極陰晝道極陽

夜極為晝晝極為夜牝牡羣貞以攤吉凶

貞正也陰為北陽為牡陰

陽牝牡萬物化生各得其正故曰羣貞以張吉凶之事也

則君臣父子夫婦之道辯

矣

辯別也如此則人道之綱紀炳然有別也

是故日動而東天動而西天日

錯行陰陽更巡

巡行也日天錯行陰陽更用事也

死生相摻萬物乃纏

摻謂相擾也纏謂纏綿也上句言天日之宜此言死生知說月也月明生而魄死魄生而明死死生之相摻故萬物亦纏綿而成就也故玄聘取天下之合而連之者也

聘求也求取天

下之合謂五位相合於五方而運之以成經文綴之以其類占之以其觚

觚法綴

繫之以其類謂五行相生萬物之類也占之以法謂經緯之休咎也曉天下之瞶瞶瑩天

下之晦晦者其唯玄乎

歎之也

夫玄晦其位而冥其眡深

其阜而眇其根櫟其功而幽其所以然者也

眡界也大陸曰阜眇

微也幽冥也言玄道微妙闇其經界深其根本不語其功幽冥其所以然事者以見其弘遠也故玄卓

然示人遠矣曠然廓人大矣淵然引人深矣渺然絕人

眇矣

皆歎美之言也

默而該之者玄也

該兼也兼明天地之道也

擇而散之

者人也

言玄兼天地陰陽之道後世之人必有散而用之也

稽其門闢其戶叩其

鍵其後乃應

稽猶叩也闢開也鍵閉也開門叩門乃知玄道如人號呼之相應也

況其否

者乎

否不也至門叩鍵然後玄應之況於不為玄者乎

人之所好而不足者善

也人之所醜而有餘者惡也君子日彊其所不足而拂

其所有餘則玄道之幾矣

幾近也拂除也除惡從善近於玄道

仰而視之

在乎上俯而窺之在乎下企而望之在乎前棄而忘之

在乎後

人能弘道非道弘人也

欲違則不能默則得其所者玄也

違猶去也人之近玄玄亦近之欲去則不能也不言而信默而得其所者莫過於玄也

故玄者用

之至也見而知之者智也

言玄為天下之至用見物而知其休咎玄之智也

視

而愛之者仁也

視而愛之是玄之仁也

斷而決之者勇也

言玄而斷決天

下之疑而玄之勇也

兼制而博用者公也

博大也兼制天下之萬物大為百姓之用者公

無所能以偶物者通也

偶配也以二萬六千二百四十私也

通天下之事也無所繫轅者聖也

平易於世以成聖人之名

時與不時者命

也

聖人無所繫轅於天下而不遇其時亦天命也

虛形萬物所道之謂道也

虛空

也空無形象而萬物由之而出
故謂之道道可道法之而用也
因循無革天下之理得

之謂德也

革更也因緣天地自然之性無所改更而得其理者故謂之德德者得人及物之謂也

理生昆羣兼愛之謂仁也

昆同也同愛天下之物無有偏私故謂之仁仁者仁愛之

及物
列敵度宜之謂義也

敵匹也列序也序其彙匹度時之宜而處者故謂之義義

者宜人及物也
秉道德仁義而施之之謂業也

秉執也執此四者而施行之於

世人道之大業也
瑩天功明萬物之謂陽也

瑩明也而明天之功使萬物光明者

太陽之氣也

幽無形深不測之謂陰也

配於陽也

陽知陽而不知

陰陰知陰而不知陽

陽起於子陰起於午二氣迭興故不相知也

知陰知陽

知止知行知晦知明者其唯玄乎

玄以陰陽為本非
玄其孰能兼知也

之者權也平之者衡也

玄之稱物平
施如權衡也

濁者使清險者使

平

而使萬物清平
者其唯玄乎

離乎情者必著乎偽離乎偽者必著

乎情

情實偽虛也離
著也著附也

情偽相盪而君子小人之道較然

見矣

邀謂盪濯居子小
人較然自見者也

玄者以衡量者也

平量天下之
事者其唯玄

乎高者下之

謂中首之上几顛
靈氣形反之辭也

卑者舉之

謂周首之初
一還于天心

之辭饒者取之

謂中首之次六月
闕其博之辭也

罄者與之

謂少首之次
七貧自究利

用見富之辭也明者定之

謂中首之次五日
正于天之辭也

疑者提之

提猶正
也謂達

首之次五大小
無速之辭也

規之者思也

謂上首之次三思其珍穀之辭

立之者事

也

謂事首之次五事其事王假之食之辭也無事則不食其祿故立之宜有事也

說之者辯也

辯別也九贊之辭是以辯其休咎也

成之者信也

不信不立故以成信也

夫天宙然

示人神矣

闕宇謂之宙天之開闕以昭萬物故為神

夫地他然示人明也

他猶

泰也泰然示人之明也

天地奠位神明通氣

奠定也二位定故神通也

有一有

二有三

天地人之位也

位各殊輩回行九區終始連屬上下無

隅

殊異也輩類也區虛也隅廉也從一至九各自異位故曰九區九區猶易六虛也周而復始故曰無隅如

圖之象不見其廉角也

察龍虎之文觀鳥龜之理

龍虎為東西鳥龜為南北南北

為經東西為緯觀察運諸泰政繫之泰始極焉泰政日月五星

也泰始謂玄中首初一也極中也日月五星繫之於天中也以通璇璣之統正玉衡

之平璇璣斗魁也玉衡其杓也第一星為樞二為璇三為璣四為權五為衡六為開陽七為搖光通其統

以達於養皆不失其圜方之相研剛柔之相干圜天也方地也

天地相研以成歲事非一朝也故以研言之剛柔晝夜也易曰剛柔者晝夜之象晝夜相干以成萬物也盛

則久衰窮則更生物盛則衰有實有虛流止無常天地

或流或止故夫天地設故貴賤序易所謂天尊地卑貴賤位者也四時

行故父子繼五行相生父子相繼之道律歷陳故君臣理律和氣於上歷正時

於下律歷見故

常變錯故百事折

錯離也常謂天地日月星辰也變謂四時

變改也常變而不變四

質文形故有無明

質文見故有無可明知也

吉凶見故善否著

吉見晝凶見夜則善不善顯著矣

虛實盪故萬物纏

陰為虛陽為實盪動也陰陽相動故萬物纏綿而生

陽不極則陰不萌陰不極則

陽不牙

陰萌於五月陽牙於十一月

極寒生熱極熱生寒信道致訕

訕道致信

屈以求伸盛極則衰也

其動也日造其所無而好其所

新

日知其所無無忘其所能天地人之事也

其靜也日減其所有而損其所

成

靜謂息也倦怠如成其事者天地人之所不能也

故推之以刻參之以畧反

覆其序軫轉其道也

刻漏刻也以漏刻分日之晝夜晷景度如二至之數返覆次序展轉

運邁以成歲也

以見不見之形抽不抽之緒與萬類相連也

出抽

也緒業也言天地陰陽不可得形而數故推之漏刻度之畧景以見其形以出其業萬物之類至於死生更相

連襲也

其上也縣天下也淪淵纖也入歲廣也包畛

皆大美玄

之其道游冥而挹盈

言玄游幽冥之中損抑盈施以謙自約也

存存而亡亡

微微而章章始始而終終

各隨其事

近玄者玄亦近之遠玄

者玄亦遠之譬若天蒼蒼然在於東面南面西面北面

仰而無不在焉及其俛則不見也

蒼蒼者春天之色也不稱四時以春為大

也言天仰則見之晚則不天豈去人哉人自去也亦謂

見亦猶近玄玄亦近之也遠玄

玄亦遠冬至及夜半以後者近玄之象也進而未極往

而未至虛而未滿故謂之近玄玄道好謙常自重虛故

斗玄亦始於子冬至夏至及日中以後者遠玄之象也

進極而退往窮而還已滿而損故謂之遠玄玄道惡盈

已滿為遠玄玄亦始於午夏至斗指於午日中時加午日一南而萬物死日一北

而萬物生謂夏至日南在東井萬物向死也斗一北而

萬物虛斗一南而萬物盈斗指亥子寒氣殺物常焚宿

菜故言虛也斗行已午溫氣

長物敷枝布
葉故盈也

日之南也右行而左還斗之南也左行而

右還

日之至南行由西方故言右還從東方故言左旋也斗之至南行由東方故言左還從西方故言右

旋也

或左或右或死或生神靈合謀天地乃并天神而地

靈

天地合會而相并謀謂十一月冬至時也陰陽相薄於黃泉之中故曰合謀也

玄瑩第十

瑩者明也所以明玄之大體也亦象易之上繫詞也

天地開闢宇宙拓坦

闕天謂之字闕字謂之宙言天地開闢以來晝夜相推如屋宇之普

覆宙暢於天內拓廣而坦明者也

天元咫尺步日月紀數

八寸為咫尺為步玄起於天

元甲子朔旦冬至始於牽牛之初自咫尺及步運行不息周天三百六十五度四分度之一三十日為月十二月

為歲故加閏以定四時故日月紀數也周渾歷紀羣倫品庶渾運也周運

之數品物庶類或合或離或贏或踦也日月之行有離羣黨衆盛也

合陰陽之數有贏虛天故曰假哉天地啗函啟化罔裕道自然不可為典要也

於玄萬物開化成務自然有裕於玄道也終始幽明

表贊神靈幽謂陰也明謂陽也言玄終始於陰陽之事以表贊於天地也天神而地靈也太陽

乘陰萬物該兼謂夏四月也謂陽乘諸陰故周流九虛萬物族類該盡而兼生也

而禍福絪羅九虛九贊之位也列貴賤者存乎位也凡九贊成位而禍福見也絪羅猶流離也

十有二始羣倫抽緒始朔也一歲十二月故十二始抽猶收也言陰陽迭興於十一月朔

之中羣倫各收其業以成歲事也

故有一二三以絺以羅玄術瑩之

一

二地三人也兼三才而玄名之以離於九贊之位玄術之所瑩明也

鴻本五行九位施重

上下相因醜在其中玄術瑩之

鴻大也言玄大本起於五行以施九重之位上

下相因品物醜類皆在其天

圜地方極值中央動以歷

靜時乘十二以建七政玄術瑩之

極北極也處天下之中衆星所繫天之變

動以歷安之七政日月五星也運周於天加十二辰七政乃建舒疾得度玄術所明也

斗振天而

進日違天而退或振或違以立五紀玄術瑩之

振動也斗之術

隨天動左回故言進也日之行右回故言退也進動相錯違五紀以立亦太玄之所明也

植表施景

揄漏率刻昏明考中作者以戒立術瑩之

植立也立八尺之表表立

則景施故言景施以土圭度之以定二至冬至之景丈有二尺夏至之景尺有五寸二至得矣揄猶寫也寫水下漏審刻知時考知昏明以正中星候

冷竹為管室灰

為候以揆百度百度既設濟民不誤立術瑩之

冷黃帝時伶倫

到大夏西取竹斷以為十二管吹而聽之各有寸數聲有大小以應月氣又置於深室實以葶灰穀蒙其口以候十二月氣氣至者則灰飛也月氣

東西為緯南北為

經經緯交錯邪正以分吉凶以形立術瑩之

天長南北而短東西

故長為經短為緯也交錯以成文章文章成故邪正分吉凶見也

鑿井澹水鑽火難木

流金陶土以和五美五美之資以資百體立術瑩之

五美

五行之美也水火既有折木陶土鑠金流範資成百體也百體既成民並用之立所明也奇以數陽

偶以數陰奇偶推演以計天下立術瑩之

奇以數陽一三五七九偶

以數陰二四六八十也推此而演之天下之計可知者也六始為律六間為呂律呂

既協十二以調日辰以數立術瑩之

陽為始陰為間於子為律於丑為呂

故言六始六間也協和也陰陽既和律呂以調日月辰極不失數度亦立所明也方州部家八

十一所畫下中上以表四海立術瑩之

謂立有八十一家九贊之位三

分為下中上位有貴賤以表明四海之事也一辟三公九卿二十七大夫八

十一元士少則制衆無則治有玄術瑩之

辟君也以象一玄有三方

九州二十七部八十一家也

古者不遷不虞蕩其思慮匪筮匪卜吉

凶交瀆於是聖人乃作著龜鑽精倚神箱知休咎玄術

瑩之

遷怒也虞憂也言上古無所喜怒哀無所憂念故蕩然漫易無所思慮瀆泄也無卜筮之事故言吉凶

交相泄也聖人謂庖犧也箱求也作著龜卜筮鑽精達微依倚神靈神而為辭以別吉凶之事也

是故

欲知不可知則擬之以乎卦兆

以卦兆之繇準擬之以定所疑者也

測深

摹遠則索之以乎思慮

卦兆既見思慮以決之也

二者其以精立乎

二者

為思慮也非精則思慮不定也

夫精以卜筮神動其變精以思慮謀合

其適精以立正莫之能仆精以有守莫之能奪故夫抽

天下之蔓蔓散天下之混混者非精其孰能之

蔓蔓混混難察

之事也非精誠之至孰能抽散之乎

夫作者貴其有體而體自然也

言夫作者

無所指斥也孔子曰述而不作有所因循而體正自然之事也見玄體述陰陽不虛造也

其所循也

大則其體也壯其所循也小則其體也瘠其所循也直

則其體也渾其所循也曲則其體也散

言隨其大小體不離其本也循

其直事故體渾渾然也

故不擢所有不彊所無譬諸身增則贅而

割則虧

擢去也言述而不作有則循而言之無則不遷所益猶入身體不可損益也

故質幹

欽定四庫全書

太玄經

十四

在乎自然華藻在乎人事

言述作者以質幹而已雖人如之以華文亦其人事

事也具可損益歟

言世之人事多華藻述作者可損益以為本也

夫一一所以

摹始而測深也

一一起於黃泉故為之始在泉之中故測深也

三三所以盡終

而極崇也

三三者九贊之終故言盡終也莫過乎九故極崇者也

二二所以參事

而要中也

二二謂五也五為天位參和萬機之事而要天下之中兼於經緯者也

人道象

焉務其事而不務其辭

上三句是也雜以事實為務不尚文辭

多其變而

不多其文也

多其變謂三玄各二十七變也

不約則其指

不詳不要則其應不博不渾則其事不散不沈則其意

不見

夫事不伏不飛不要不舒也故渾沈以求散見

是故文以見乎質辭以睹

乎情

無文無以見質無辭無以見情情不可一也

觀其施辭則其心之所欲

者見矣

謂天地人萬物進退之心皆見於中矣

夫道有因有循有革有化

言冬有不死之草謂有因也根生於木謂有循也焚除宿草謂有革也鷹變為鳩謂有化也

因而循

之與道神之

因循得理與道通神

革而化之與時宜之

隨時宜之

故因

而能革天道乃得革而能因天道乃馴

馴順也道貴因緣而順從

夫

物不因不生

謂因陳以生新

不革不成

謂改柯以成實也

故知因而不

知革物失其則知革而不知因物失其均革之匪時

時天

時物失其基

不時天時失基業也

因之匪理

失地理也

物喪其紀

失紀綱也

因革乎因革國家之矩范也矩范之動成敗之効也

范法

也道貴因緣而革之此乃國家之矩法成敗之効事不可不慎也

立天之經曰陰與陽

形地之緯曰從與橫

南北為從東西為橫故詩人藝麻衡從是也

表人之行

曰晦與明

晦明別賢愚也

陰陽曰合其判

陰陽判合以生萬物也

從橫曰

緯其經

經之須緯以成文章也

晦明曰別其材

別賢愚人材可知也

陰陽該

極也

該盡天地莫過陰陽

經緯所遇也

東西南北在遇逢也

晦明質性也

受

於天不可移也

陽不陰無與合其施

相須以成歲

經不緯無以成其

誼

相須以成天地文章之誼

明不晦無以別其德

無晦無以別明也

陰陽所

以抽嘖也

嘖情也陰陽所出萬物之情也

從橫所以瑩理也

足以明天地之理

明晦所以昭事也

別賢愚之事也

嘖情也抽理也瑩事也昭君

子之道也

能審此者得之君國子民之道

往來熏熏得亡之門

此交首次四之

贊辭也禮尚往來相交以禮則得福不以禮則亡也

夫何得何亡得福而亡禍也

天地福順而禍逆山川福庫而禍高

山高或崩川高或圯

人道福

正而禍邪故君子內正而外馴每以下人是以動得福

而亡禍也福不醜不能生禍

醜惡也福極則禍應福兮禍所伏也

禍不好

不能成福

既得禍常奉之以禮故能成福

醜好乎醜好乎醜好君子所

以亶表也

亶盡也表章也醜好以別人之大倫故三言以為重戒君子必能別此醜好而行之所以

畫章顯人之善惡也

夫福樂終而禍憂始

禍終於樂福始於憂

天地所貴曰

福鬼神所祐曰福人道所喜曰福其所賤在惡皆曰禍

天地鬼神人道莫貴於福莫賤於禍

故惡福甚者其禍亢

甚惡於福故禍亢也亢極也七

八皆畫人之禍少夜人之禍多


畫為陽夜為陰陰凶故禍多陽吉故禍少也易

也易曰坎為盜水夜行也畫為盜其近也

晝夜散者其禍福雜

散猶離也晝以別福夜以

別禍雜以晝夜者無以紀知其善惡故禍福離錯不可限也



太玄經卷七

欽定四庫全書

子部

太玄經卷八至末

詳校官中書臣呂光復

靈臺郎目倪廷梅覆勘

總校官進士臣朱銓

校對官主事臣陳文樞

謄錄監生臣余清標

欽定四庫全書

太玄經卷八

漢揚雄撰

晉范望注

玄數第十一

昆侖天地而產蓍

昆渾也。侖，論也。渾，淪也。天地而四分之，以為方州部家蓍策生產於其中也。

參珍晬精三以橐數

參，三也。珍，純也。言玄道純晬精微，以發幽冥之休咎，故三三而索之。

以成三表方州部家之數。

散幽於三重而立家

幽者，幽微休咎之事。三重，方州部也。三重

既足，然後家立。八十一首各有名也。

旁擬兩儀則覩事

兩儀，天地也。言玄旁擬天地則覩於

休咎之事也

逢遭並合擇繫其名而極命焉

革更也手有所改更故字從手

也逢遭並合者畫則逢陽夕則逢陰星時數辭並合乃更繫其姓名於玄道也而極其命理命之吉凶則休咎可知精則經疑之事其質乎

精謂精神也經常也質問乎常所疑之事者其問之

於太玄也

令曰假太玄假太玄孚貞爰質所疑于神于靈

重假

者下假則假借也孚信也貞正也爰曰也質問也假借太玄信正之道問已所疑之事於天地神靈也皆筮者

之謙

休則逢陽星時數辭從咎則逢陰星時數辭違

太玄

之術貴陽而賤陰也陽日陽時而逢陽首是謂大休陰日陰時而逢陰首是謂大咎陽日陽時而逢陰首是謂始咎終休也逢陽若中首也星若牛一度也時謂凡筮旦中夕也數謂首數之奇偶也辭為九贊之辭也

有道不精不筮

謂專精以信之

不疑不筮

筮決之

不軌不筮

軌法也

以道法所不有筮也

不以其占不若不筮

若順也不順謂若蚩試苟違不順太玄之道者

故不為筮者也

神靈之神靈之曜曾越卓

曜明也曾之言則也如上下四句之禁非精

而不用故太玄神靈之明則卓然越踰示人遠也

三十有六而策視焉

謂一二三也

二三各三變凡三十六也視此之數而為策

天以三分終於六成故十有八

策

天以三分謂一二三也因而六之故言終於六成成十八也

天不施地不成因而

倍之地則虛三以扮天十八也

天位有九地位有九陰不下陽陽不施陰故曰

不成因此十八位其大數為三十六故言因而倍之也虛空也扮猶并也空地三以下於天天施地成滋生二

萬三千之策三別一以挂于左手之小指中分其餘以

十者三十三也

三搜之并餘於芳

二指間以三搜之以象三光其所餘者并之於左手兩

指間故謂之芳蓋以識揲者之數也凡一挂再芳以成

一方之位通率四位四挂以象四時

一芳之後而數其

餘七為一八為二九為三

六筭而策道窮也

止得六筭故言窮也窮則揲逢有下中上下思也中福

以成四位不出七八九也

也上禍也

逢謂筮卦有所逢遇

思福禍各有下中上

謂九贊之位也一日思內

二曰思中三曰思外四曰福小五曰福中六曰福大七曰禍生八曰禍中九曰禍極皆以上下別之

夜別其休咎焉

謂陽家以陰家之晝為夜陰家以陽家之夜為晝其唯逢晝為休逢夜為咎故

瑩曰晝人之禍少夜人之禍多者也

極一為二

謂天地也

極二為三

有地則人生也

極

三為推

有人能推演陰陽也

推三為羸贊

羸滿也贊九贊之位推演滿於九贊五行之義

見贊羸入表

一五七則為一表三四八為一表二六九為一表旦中夕各有所用故贊滿而入三

表表者見其休咎也

表羸入家

三表以見故以家定其莫旦也

家羸入部

家位定故以部

分之

部羸入州

部分以滿故以州摠守之

州羸入方

州滿故入方方猶常也故以常

位輔佐天也

方羸則玄

方滿則入玄玄天也以少制多以亡治有故起於天一乃至七百二十九

贊復還入於一玄此特取象天地初開有萬物有萬物而後有男女有男女而後有夫婦有夫婦而後有父子有父子然後有君臣有君臣然後有宗廟也故玄以一為天乃至七百二十九贊而復還入於一玄之中明玄為天象也故一辟象於玄三公象三方九卿象九州二十七大夫象二十七部八十一元士象八十一家也玄告曰天穹隆而周乎上言不可形別作者立玄以象之而王者法之以制宮也玄字或作云去玄相似轉寫誤耳陸君云去當一從二從三從是謂大休謂旦筮逢陽家一五七為為玄得其實也

一表而皆從者也

一從二從三違始中休終咎

謂中筮逢陰家二六九為一表

二六從而九違者也

一從二違三違始中終咎

謂夕筮逢陽家三四八為一表

三從四一違二從三從始咎中終休

謂夕筮逢陰家於周首三違四八從

八違也

故中終一違二違三從始中咎終休謂中筮逢陽家於中首二六九也二

六違九從故始一違二違三違是謂大咎謂旦筮逢陰家於周首一

五七也三者皆違故大咎也筮無兩違夾一從無兩從夾一違者猶洪範三人占從二人之言也占有

四或星或時或數或辭四者繇決之大體合而論之以多從為休也旦則用

經夕則用緯經謂一五七也緯謂三四八也凡占有六等休咎二也不言中者舉旦夕則中可知

中用二六九經觀始中決從終凡筮或先違而後從或先從而後違或三皆從

或三皆違必決之者從終辭也王莽將有事以周易筮之遇羝羊觸藩以太玄筮之逢干首干者陰家其位一

五七也而以七決之其辭云何戰解解此從終之義也羊羝其角解解亦絺羅之意明易玄之相襲休咎略同

者也

三八為木

王則為三
廢則為八

為東方為春

別五方四時之名也
春蠢也取物蠢動始

於東方故
為春也

日甲乙

日之行春東從青道甲乙在東方故
日甲乙也甲取孚甲而生乙之言軋

也取其抽
軋而出也

辰寅卯

辰十二時也寅卯在東方故言寅卯
也寅敬也春為萬物之始尚書曰南

訛敬致日永星火寅饑餉日此
之謂也卯取其冒年而生也

聲角

謂東方之聲音也
三分羽益一以生

角角數六十四以其清濁中故屬木民之象也春氣和
則角聲調禮記曰角亂則憂其民怨也五行有五聲數

多者濁數少者清清者
不過羽濁者不過宮也

色青

春草木生
色皆青也

味酸

尚書曰木
為曲直曲

直作酸此
之謂也

臭羶

木之味酸酸之
臭洩氣羶也

形詘信

木為曲直
故屈申也

生火

少陽生勝土木克土也時生生物莫過春也藏脾天有五行人有五

木存志存存也志者所以為益也性仁長養萬物曰仁情喜物長

故事貌用恭撝肅撝猶佐也尚書五事一曰貌貌曰恭恭作肅肅敬以佐恭也徵旱

徵應也東方陽也陽帝太昊太昊庖犧氏也以木德王天下易曰帝出乎震震東

之為應則旱為災也方神勾芒謂木正重也實能木職故死則命之曰勾芒使其神佐太昊而并祀之勾取物春勾屈而

生芒取其星從其位角亢氏房心尾箕東方之宿也類為鱗鱗蟲之類有芒角也

長為雷位在震也為鼓如雷聲也為恢聲大鼓鳴也為新生物初生也為躁動欲

升為戶出入所由也為牖與戶俱明也為嗣位長子也為承子繼父體也為

葉

世不絕也

為緒

葉相連也

為救

雷所懼也

為解

解脫甲也

為多子

物孕字也

為出

東方事也

為予

放不制也

為竹

鬱蒼蒼也

為草

鬱蒼也

為果

育春偶陽也

為實

育春偶陽也

為魚

跳上水也

為疏

理與通也

為規

陽形勢也

為田

春之計也

為木

工所度

為工

度

也

為矛

銳如鋒也

為青

青怪時也

為軌

車之災也

為狂

象春放蕩性分離也

為日

庚辛

四九為金

王則為九廢則為四

為西

西方為秋

為秋

秋擊聚也

為日

庚辛

為庚

日之行秋西從白道庚辛在西方故曰庚辛也

庚取其改

更辛取其萬物皆新熟也

百卉坼也

辰申酉

亦十二時也申酉在西方故言申酉

聲商

謂西方之聲

也申取其爛熟酉取畢成可留聚也

音也三分微

益一以生商商數七十二以其次宮故屬金臣之

象也秋氣至商聲調禮曰商亂則鼓其臣壞也

色白

也

也

也

也

秋草木无**味辛**尚書曰從革作**臭腥**金之味辛辛之**形**
色皆白也

革革更也金為從**生水**少陽生**勝木**金克**時殺**秋氣始
革可鑄化也

藏肝肝色黃金之精者**倂魄**魄者死之體也尚書曰明
亦黃故金藏黃肝

秋木歸本**性誼**誼之言宜也主**情怒**氣剛彊**事言用從**
故在魄也

撫人五事二曰言言曰從從**徵雨**西方陰也金以生木
作人人治以佐從也

帝少昊謂黃帝之子金天氏也以**神蓐收**謂金正該也
金德王天下代黃帝也

死命之為蓐收使其神佐少昊而并祀**星從其位**奎婁
之也蓐收取其將收斂入於牀蓐之內也

畢觜參西**類為毛**毛蟲類白**為璧**可以為**為巫祝**祝說**為**
方之位也

猛金堅為舊秋白為鳴金為為門出肉為山金石所聚

為限別中為邊畢星位西方主邊為城峻為為骨為石

皆剛為環珮聲鏗為首飾九在上為重寶無以為大哆為

鈎器為金勝也為春春用為椎剛治為力取堅為縣鈎所為

燧金取火也為兵金之所作為械兵器也為齒骨類為角銳

也兵為螫為毒辛氣之痛為狗可守為人金性為取銳入

為罕田獵之世為寇為賊寇賊為害為理大理官之為

矩鑄之於範為金工鍛治之法為鉞王者之飾為白怪

災氣 隨時 為瘡 口之 為譖 譖施於人 災也 口所由也

二七為火 王則為七 為南方為夏 夏大也 萬物 日丙丁

日之行夏南從赤道丙丁在南方故 辰巳午 巳午在南

午也巳取其已盛 聲徵 謂南方之聲音也 三分宮去一

午取其鄂布也 事之象也 夏氣和則徵聲調 色赤 火之 味苦 尚書云炎

禮記曰徵亂則哀其事勤也 形上 火性 生土 火滅灰聚 勝

之謂 臭焦 火之味苦若氣 炎上 生土 則為土也 勝

金 火燥 時養 養長 藏肺 肺之言數也 象火 倖魂 萬物精

故在魂精 性禮 禮之言體也 萬物體幹 情樂 有禮 事視

欽定四庫全書

用明為哲

五事三曰視視曰明明作哲哲智也以佐明者也

徵熱

南方太陽太陽之應熱之

効帝炎帝

謂少典小子黃帝之弟神農氏也以火德代庖犧而王也

神祝融

謂火正黎也實

能火官故死則命之曰祝融使其神佐炎帝而并祀之祝猶章也言其章明

星從其位

井鬼柳星

張翼軫南類為羽

羽蟲之類朱鳥為之長也

為電

火之居也

為絲

夏所成也

為

綱絲所作也

為索

周之索也

為珠

離為蚌火有光明珠又有光明也

為文

火顯章也

為

駁

如火行也

為印

信所明也

為綬

以文賁也

為書

皆火類也

為輕

象躁也

為高

物盛昌也

為臺

取高角也

為酒

味好苦也

為吐

吐實穢也

為射

矢鏢隊也

為戈

取郭

布也為甲

葉自覆也

為叢

夏則萬木枝阿那也

為司馬

典於夏也

為禮

性所明也

為

繩

絲之

為火工

作陽

為刀

鍛鑄

為赤怪

災隨

為盲

火主

為

舒

不順

一六為水

三則為一

為北方為冬

冬終也物

日壬癸

日之

北從黑道

壬癸在北方故曰壬癸也

辰子亥

子亥在北方

壬取其懷任癸取其揆然向萌芽也

子取其滋蕃亥

聲羽

謂北方之聲音也三分商去一以生

取其莖生也

羽謂北方之聲音也

取其最清物之象也

冬氣和則羽聲調

禮記

色黑

水之色

味鹹

尚書曰閭下作

曰羽亂則危其財匱

臭朽

水之味

鹹之

形下

水性潤下

臭洩氣腐朽也

生木

太陽生

勝火

水滅時

藏冬收

藏腎

腎色

俯精

精者氣之妙也言微

性智

智者情

悲

物悴
故悲

事聽用聰撝謀

五事四曰聽聽曰聰聰
作謀謀謨以佐聰也

徵寒

太陰
之應

故寒
幼也

帝顓頊

謂黃帝之孫昌意之子高陽氏
也以水德王天下代少昊也

神玄冥

謂水
正熙

也實能水官死則命之為玄冥也使其神佐顓頊
而并祀也玄取其幽微冥取其冥昧蓋藏之時也

星從其

位

斗牛女虛危室
壁北方之宿也

類為介

介甲也甲蟲之類
玄武為之長也

為鬼

陰所
聚也

祠為廟

神之
府也

為井

水之
母也

為穴

水所
由也

為竇

通海
隅也

為鏡

水可鑒
人也

為玉

水相
象也

為履

水行曳地
故為履也

為遠行

制所
從也

為勞

逝不
止也

為血

浸
肌

理也
為膏

潤萬
物也

為貪

冬藏
閉也

為含

水多
懷也

為蟄

物所
歸也

為火獵

田用
火也

為閉

塞戶
牖也

為盜

夜相
干也

為司空

典冬
官也

為法為准

水性
平也

為水工

賦地澤也為盾杆非惡也為黑怪應氣至也為襲耳之戾也為急以潤萬物不可失也

五五為土

王則為五廢為十也重言五者十可知也不言十者以見九賁也陽舉則陰從重五以見

十隱十以見

為中央

土行所在經緯用也

為四維

寄治四季辰未戌丑者也

戊巳

日之行四時之闢從黃道戌巳戌戌也巳言起也至此時萬物茂盛抑屈皆起也

辰辰戌

丑未

土無其時寄治四季此辰是也辰取其延長未取其冥味者也戌取其悉成丑之言畜也畜養萌芽

聲宮

謂中央之聲音也宮數八十一其最濁君之象也季夏之氣和則宮聲調禮記曰宮亂則荒其

君驕

色黃

中央色也味甘尚書曰稼穡作

臭芳

土之味甘甘之氣洩甚芳

香形殖

可以種萬物也

生金

來金於土

勝水

土斷於水也

時該

該策也土治中央策

四時藏心心在中央故倖神神精魂之妙者也土兼五

也性信應時止生萬物於天下故言信也情恐懼恐懼之戒出於心也事思用睿

撫聖五事五曰思思曰睿睿作聖聖以佐睿也徵風生氣莫過土故土之應風為効者也帝黃

帝謂少典之子軒轅氏以土德代炎帝而王天下神后土后君也謂土正勾龍實能上職故死則命

之曰后土使其神佐黃帝而并祀之也后土取其君土而稱美也星從其位北極紫宮大角軒轅

之屬中央類為其裸裸屬無鱗甲毛羽人為之長也為封別界為餅陶

用為宮土所為宅宮之舍也為中雷穴土居也為內事母所治也為織

緯經也為衣織所成也為裘取其溫也為繭自裹貌也為絮繭所為也為牀人所

歸也 為薦 牀相依也 為馴 母柔順也 為懷 萬物溫也 為腹器 象土之形包容萬物也

為脂 膏也土樹草木滋潤出也 為漆 取土黑也 為膠 易柔釋也 為囊 為包坤為括囊

多所舍也 為輿 重且成也 為轂 象土居中央也 為稼 生土中也 為嗇 主收藏也 為食

為寔 石則為骨土象寔也 為棺 周人瓦棺陶土之屬也 為犢 牛子為犢畜土方也 為衢

為會 土為衢路道四通也 為都 土最大也 為度 為量為土工土圭測景以定歲也

為弓矢 土之載物生箭銅也 為黃怪 災異依也 為愚 不聽外事守愚昧也 為牟 而自

愚昧故牟也不次以四時者以五事為序也春為帝所出其衝在秋舉夏則冬從未言土者揔而成之也

五行用事者王 謂春則木王謂三也 王所生相 木王而火相也 故王廢 木王

則水廢謂水冬已王至木
用事即水廢為江河水也

勝王囚

金勝於木木王故囚金也

王所勝

死

木勝土木王故土死他皆倣此也

其在聲也宮為君徵為事商為相角為民羽為物

各以其數

清濁別之義已見上也

其以為律呂

律以統氣呂以扶陽律呂之始自黃帝使伶倫至大夏之

西取竹竅厚均者為十二管聽鳳鳴而吹之其六象雄其六象雌故六律為陽六呂為陰其後或以銅代竹其

空園皆九分也

黃鍾生林鍾

鍾種也色莫甚於黃聲莫大於宮故以為律始也陽氣施種於黃泉

萬物得以萌芽也黃鍾之管九寸下生林鍾三分去一故林鍾六寸也林君也言陰氣受任助魁賓君主種物

使茂也林鍾生太簇

林鍾六月之呂也太簇正月律也簇奏也言陽氣太奏地而達物也林鍾

之所上生三分益一故大族八寸也

太族生南呂

八月之呂也南任也呂旅也言陰氣旅進助夷

則任成物也太族之所下生三分去一故南呂五寸三分寸之一也

南呂生姑洗

三月之律也姑

故也洗絮也言陽氣絮精新物去故物也南呂之所上生三分益一故姑洗七寸几分寸之一者也

姑洗

生應鍾

十月之呂也言陰氣應無射該藏萬物也姑洗之所下生也三分去一故應鍾四寸二十七分

寸之二

應鍾生蕤賓

五月之律也蕤繼也賓導也言陽氣始道陰氣使繼養萬物也應鍾

之所上生三分益一故蕤賓六寸八十一分寸之二十六也

蕤賓生大呂

十二月之呂也呂旅

也言陰大呂助黃鍾宣氣而牙物也蕤賓又上生也三分益一故大呂八寸二百四十三分寸之百四也所以

又上生者陽生於子陰生於午從子至巳陽生陰退故律生呂言下生呂生律言上生從午至亥陰升陽退故

律生呂言上生呂生律言下生
至午而變故蕤賓重上生也
大呂生夷則
七月之律也夷傷也

則法也言陽正法於上陰行傷物於下也大呂之所下
生也三分去一故夷則五寸七厘二分九釐寸之四百

五十**夷則生夾鍾**
二月之呂也言陰夾助太簇宣四方之氣而出種物也夷則之所上生也

三分益一故夾鍾七寸二厘一分一釐寸之四百八十七
夾鍾生無射
九月之律也射厭也

言陽究物陰剝落之終而復始無厭已也夾鍾之所下
生也三分去一故無射四寸六厘五釐六十一分寸之

六千五百**無射生仲呂**
四月之呂也言微陰在地中旅助姑洗宣氣齊物也無射之所

上生也三分益一故仲呂六寸萬九千六百八十三分
寸之萬二千九百七十四也律呂以候十二月之氣月

氣至則其律應
應謂吹灰也

子午之數九

子為十一月午為五月所以數俱九者黃鍾起子也子午之數俱九乾始於初九午

為子衝故俱九也

丑未八

丑為十二月未為六月亦其衝也故俱八也

寅申七

寅正七月也

申為卯酉六

卯為二月酉為八月

辰戌五

辰為三月戌為九月

巳亥四

巳四月亥

為十月皆以對而數之也

故律四十二呂三十六

諸陽皆屬律九七五而倍之故四十

二也諸陰皆屬呂八六四而倍之故三十六

并律呂之數或還或否

并律呂而數之

得七十八也八則丑未所謂還得呂而不得律故或還或否也

凡七十有八

律呂之數者也黃

鍾之數立焉

通其大數立於此也

其以為度也皆生黃鍾

黃鍾之管長九

寸圍九分秬黍中者九十枚則其長數也實管以生籥合籥為合以千二百黍實而重十二銖為半兩如此度

量衡皆出
於黃鍾也

甲巳之數九

子之數九甲為子幹巳為甲巳故俱稱九也

乙庚八

丑之數八乙丑之數八

乙巳於庚故俱八也

丙辛七

寅之數七丙為寅幹辛為丙巳故俱七也

丁壬六

卯之數六丁為

卯幹丁為巳故俱六也

戊癸五

辰之數五戊為辰幹癸為戊巳故俱五也

聲生於日

言

乙為角丙丁為徵庚辛為商壬癸為羽戊巳為宮也

律生於辰

謂十二時也律所出也

聲以

情質

質正也以中律之聲正天地四時之情也

律以和聲

吹中律之管以調和清濁之聲也

聲律相協而八音生

協和也鍾律和則成音音之作者八謂金石絲竹匏土革木也

九天一為中天二為羨天三為從天四為更天五為辟

天六為廓天七為減天八為沈天九為成天

皆玄首為天名也一

歲周竟有九言故玄九分之九首則天一用事九九八十一故八十一首周九天也

九地

天有九天故地有九地也

一為沙泥二為澤地三為汙崖

崖岸也汙

者水渚也

四為下田五為中田六為上田七為下山八為中

山九為上山

高下有差而別其名

九人

人之大倫有九等也一為下人

潛隱勿用下愚同位之人也

二為平人

平

於世無官號也

三為進人

進德修業欲及時也

四為下祿

謂士大夫至公侯也

五為

中祿

謂天子也五為土土為宮宮為君居中食祿莫過於天子也

六為上祿

六為陰位而尊

者莫過宗廟故上祿為宗廟天子所不敢先也

七為失志

謂狂蕩之王陵高宗廟

八為疾

瘵

瘵疾也毀廟之處也

九為極

位高戒危極為九也

九體一為手足二為臂脛

手後為臂脛後為髀也

三為股肱

膝上為股

肘後為肱

四為要

在中而高故為要也

五為腹六為肩七為喎咭

謂唐湖也

八為面九為顙

顙也最在上也

九屬一為玄孫二為曾孫三為仍孫四為子五為身六

為父七為祖父八為曾祖父九為高祖父

亦禮九族之序也

九竅一六為前

一六水也前所通也

為耳

坎為耳

二七為目

二七為火離為目也

三八為鼻

鼻為氣巽為風在東方也

四九為口

兌為口也

五五為後

土相依也

九序一為孟孟二為孟仲三為孟季四為仲孟五為仲

仲六為仲季七為季孟八為季仲九為季季

九屬一為玄孫一最

在下今以一為孟者冬至起於一故一為孟所施各有宜或為大或為小也

九事一為規模

事之始也

二為方沮

沮將也將有事而自止也

三為自如

未施行也

四為外他

圖造事也

五為中和

天位尊也

六為盛多

無敢加也

為消

意放散也

八為耗

疾為耗也

九為盡弊

弊仆也毀耗而極故盡仆也

九年一為一十二為二十三為三十四為四十五為五

十六為六十七為七十八為八十九為九十

大數終九

推立算

算謂筮所得首不知次第奇偶以算推求者也

家一置一

謂置一算也

二置

二三置三

隨家所得之位而置算也

部一勿增

部位得一不應下算也

二增三

部二則下三算

三增六

部三則下六算

州一勿增二增九三增十八方

一勿增二增二十七三增五十四

下算轉相放也

求表之贊

求立

表贊次第之數

置立姓去太始策數

姓謂家性之姓名也太始謂中始也假言令得應首

姓去中首減而九之

如應首四十一則減一以九乘四

四十一也一二則增二所求而增之也

增贊

謂所乘得三百六十增一三所求者也

去立數半之則得贊去冬至日數矣

謂乘應首三百六十牛除之得百八

十又增一日得百八十一是去冬至日數之盡也

偶為所得日夜奇為所明日

之畫也

君不增一則百八十為偶故是法首日之夜也加一則奇乃是明日應首之畫大率放此也

求星從牽牛始除算盡則是其日也

已得日數則星在度數可知也以星

度除之算盡則其日星度也如應首隨星度除之盡則得非二十九度是其星所在度也

太玄經卷八

欽定四庫全書

太玄經卷九

漢揚雄撰

晉范望注

玄文第十二

罔直蒙酋冥

此五者太玄之德猶易元亨利貞也萬物因之以生長四方以為名北方萬物之終

故始冥罔重也

罔北方也冬也未有形也

罔無也冬終也萬物終藏於黃泉之中無

形可名故曰罔也

直東方也春也質而未有文也

直之言殖也萬物甲始出

殖立未有枝故質直無華文也

蒙南方也夏也物之脩長也皆可得

而載也

枝葉已成蒙覆於人上皆可燾載者也

酋西方也秋也物皆成象

而就也

酋之言聚也物已成就可蓄聚也

有形則復於無形故曰冥

言物

秋始成就有形可蓄聚過秋藏於黃泉故復於無形為冥昧者也

故萬物罔乎北直乎

東蒙乎南酋乎西冥乎北故罔者有之舍也

有生於無

直者

文之素也

色白受采質極文生

蒙者亡之主也

無生於有也

酋者生之

府也

秋聚成穀春滋生者也

冥者明之藏也

明以幽冥自藏

罔舍其氣

陽氣

舍於罔

直觸其類

觸類生也

蒙極其脩

物可蒙載長無已也

酋考其親

考成

也物咸成既也

冥反其奧

奧秘也物反於秘奧之中在黃泉也

罔蒙相極

罔無蒙有事相

極盡

直酋相勅

直生酋殺如相約勅

出冥入冥新故更代

新故相代出八於冥

味之

陰陽迭循清濁相廢

迭更也更相休廢也

將來者進成功者

退

將來謂春生也成功謂秋收也

已用則賤當時則貴

賤謂廢也貴謂生也

天文

地質不易厥位

厥其也言天動於上故為文地安於下故為質上下相承其不可易者也

罔

直蒙酋冥

增歎五位也

言出乎罔行出乎罔禍福出乎罔

之時玄矣哉

有形出於無形無形以見有形禍福之所出故言玄矣哉

行之有蹤言

則有聲福則有膊禍則有形之謂直

皆可形而見故謂之直東方也

有

直則可蒙也有蒙則可酋也可酋則反乎冥矣

物生而長於東

成於南首於西八於北故言反乎冥也

是故罔之時則可制也

言物無形之時裁制

也八十一家由罔者也

言其始於北也

天炁炁出於無眡熿熿

出於無垠

垠限也眡界也言天之炁炁熿熿其所出彌遠不覺其界限也

故罔之時玄

矣哉

重美之也

是故天道虛以藏之

以虛藏有也

動以發之

以動發靜

崇以臨之

以高臨卑

刻以制之

以剝殺萬物也

終以幽之

萬物終幽於北淵

乎其不可測也

言其深也

曜乎其不可高也

無以尚也

故君子藏

淵足以禮神

君子謂五也藏身於罔而感於東帝出乎震故禮神也

發動足以振

衆

振動也動衆以東謂觸其類也

高明足以覆照

謂正位於蒙覆照天下也

制刻足

以竦礙

刻殺萬物於首以悚懼也

幽冥足以隱塞

亦謂法冥而行

君子能此

五者故曰罔直蒙首冥

謂上五事也

或曰昆侖旁薄幽何為

也曰賢人天地思而包羣類也

或之言有也有問經者故荅之言賢人用思慮

念養萬物羣生醜類與天地同也

昆諸中未形乎外

言同在天地之中未見於外也

獨

居而樂獨思而憂樂不可堪憂不可勝故曰幽

幽獨以致憂樂

不可堪勝者也

神戰于玄何為也曰小人之心雜將形乎外陳

陰陽以戰其吉凶者也

陽為吉陰為凶二稱小人陽升陰退故吉凶見也

不戰無以別善也

陽以戰乎吉陰以戰乎凶風而識虎雲而知

龍撓萬物者莫疾乎風虎性暴猛故相識也潤萬物者莫潤乎雨雲與雲降故龍知之也賢人作

而萬物同

揚子偶易而作玄易曰聖人作而萬物覩故此云賢人作而萬物同是揚子之謙也言非

賢者之所作則不平理天下之事使物同齊者也

龍出乎中何為也曰龍德始

著也

謂三也帝出東方倉龍用事故始著也

陰不極則陽不生

謂冬盡則春也亂

不極則形不生

陰為亂陽為德十月陰極而冬至陽生也

君子脩德以俟時

君子謂陽也脩德於黃泉候春而興

不先時而起不後時而縮動止徽章

不失其法者其唯君子乎故首尾可以為庸也

庸法也首始也

尾終也言唯君子終始不失法者也

庫虛無因大受性命否何為也曰小

人不能懷虛處乎下庫而不可臨虛而不可滿無而能

有因而能作

謂四也以陰處下當敬以奉也以無為有因緣自虛言小人皆不能爾也

故大

受性命而無辭辟也故否

陰宜因緣而便大受故否

日正于天何為

也曰君子乘位為車為馬車軫馬駟可以周天下故利

其為主也

謂五也五為君故稱日正于天也午為中亦為馬日在午故乘馬也亦為車車副也軫輅

繫也駟尾結也言君子正位乎中繫輅結尾以正天下萬機之事故利為主

月闕其博不如

開明于西何為也曰小人盛滿也自虛毀者水息淵木

消林山殺瘦澤增肥

謂六也陽家之陰故稱小人月滿則闕故戒之也言當自虛如水之

性以淵息長木以材茂故消其枝山以高峻故殺瘦澤以卑下受山之腴故云增肥猶君子虛己以受人者也

賢人覩而衆莫知

言衆人所不知賢者已見其事者也

苒苒之包何為也

曰仁疾乎不仁誼疾乎不誼君子寬裕足以長衆和柔

足以安物天地無不容也不容乎天地者其唯不仁不

誼乎故水包貞

謂七也夏長而秋殺長之謂仁故疾乎不仁也施之謂義故疾不義也不仁不

義天地之所不容也一者水也包萬物於黃泉待四時以正之故水包貞也

黃不黃何為也

曰小人失刑中也

謂八也黃中也

諸一則始諸三則終

二者得其中乎

九贊之位

君子在玄則正

雖玄冥幽隱恒正身不惰

在福

則沖

福謂富貴之位常自沖虛

在禍則反

禍為凶荒之處反身脩身不治監者也

小人

在玄則邪

以幽行惡

在福則驕

富貴則驕慢

在禍則窮

富貴不施遇禍故窮

故君子得位者昌

昌大其治

失位則良

不苟欲也

小人得位則橫

同時為形勢也

失位則喪

如亡其親

八雖得位然猶覆秋常乎

覆敗也言

八雖處上之中以木近金故相敗也

顛靈氣形反何為也曰絕而極乎上

也極上則運絕下則顛靈已顛矣氣形惡得在而不反

乎

凡謂極上上極則墜故顛下也氣上形留故相反也惡安也氣形分別安得不相反者也

君子年

高而極時者歟

凡為君子高年致仕極時之政

陽極上陰極下氣形乖

鬼神阻

阻難也。鬼為陽體，為陰氣，形分離則鬼神絕。達孝子雖立廟以存之，難可復覩見之者也。賢

者懼小人怙

言賢者懼將衰落。小

昆侖旁薄大容也

言天

地無不容神戰于玄相攻也

謂陰陽對

龍出于中事從也

萬物之生順從

於事庫虛之否不公也。日正于天，光通也。月闕其博，損羸

也

月滿則虧

首首之包法乎則也

得其正也

黃不黃失中經也

經常

也顛靈之反窮天情也

窮上反下極陽反陰

罔直蒙首贊羣冥也

言萬物在冥昧之中而四德贊之也

昆侖旁薄資懷無方

天地無常方也

神戰于

玄邪正兩行

陽正陰邪兩行於天地也

龍出于中法度文明

龍陽氣在東為

文在南為明也庫虛之否臣道不當否而不通故不當也日正于天乘乾

之剛乾天也日正明於天處魁剛之中也月闕其博以觀消息闕為消博為息也

酋酋之包措任乎形德以德任形以形任德黃不黃不可與即事

不正不可即就也顛靈之反時則有極極於九也罔直蒙酋乃窮乎

神域神域幽冥也言玄四美足以助於幽冥也易曰窮神知化此之謂也天地之所貴曰

生物之所尊曰人人之大倫曰治治之所因曰辟辟君崇

天普地分羣偶物使不失其統者莫若乎辟非君無以斷正之也

夫天辟乎上地辟乎下君辟乎中參事而君之各得其所也仰天而

天不倦

晝夜不休

俯地而地不怠

生長萬物

倦不天怠不地倦怠

而能乎其者古今未諸

君子象天自強不息豈有倦怠乎古今無也

是以

聖人仰天則常窮神

窮神知化

掘變極物窮情

掘盡也盡變動之事以窮

萬物之情也

與天地配其體與鬼神即其靈與陰陽挺其化

與四時合其誠

言聖人先天而天不違後天而奉天時動不失其所也

視天而天

順而視地而地視神而神

不敢違也

視時而時

時其冥也

天地神

時皆馴而惡人乎逆

惡於何也從上四視而從順之言當於何而入逆也

玄觀第十三

立之贊辭也

謂九贊之辭也

或以氣

五行之氣

或以類

觸類而長

或以事

之軌卒

卒終也軌委曲也事之委曲而終者也

謹問其性而審其家

八十一家

各有剛柔之性也審其家性以知休咎也

觀其所遭遇

謂若遭遇晝夜陰陽星時數辭

於事

劇謂切劇以知萬事之休咎也

詳之於數

詳審

逢神而天之

神為陽也觸

地而田之

土地有硤確故觸類求之而為田也

則立之情也得矣

知上六句則立

之情性可得而知也

故首者天性也

謂八十一首所說陰陽變化之事盡天地之性者也衝

對其正也

中應相對是其正也

錯緝也

緝維而說之者也

測所以知其情

測其深淺其情見也

攤張之

攤散其事張大其業

瑩明之

以瑩明朗其義也

數為品

式

禮著休咎五行施為物臧否為其式法也

品文為藻飾

質朴其道藻飾其文

挽擬也

準擬其事取象而作之也

圖象也

以事不可知故又圖象其形以曉學者也

告其所由

往也

告示所由來往之要

維天肇降生民

肇始也降下也言天始下生民民人當以法成

也

教使其貌動口言目視耳聽心思有法則成無法則不

成

動言視聽思此五者皆當以法則成矣

誠有不畏挽經之經

經常也五刑之法有

常無赦誠而有所不畏威擬以常法不可赦宥

垂綃為衣襍幅為裳衣裳之示

以示天下挽擬之三

三為木取其枝葉覆被之象擬之以為衣裳猶易蓋取之乾

也

坤比札為甲冠矜為戟被甲何戟以威不恪挽擬之四

九

四為金九取金之剛利以為甲戰備疎不虞以威不敬之人

尊尊為君卑卑為臣

君臣之制上下以際挽擬之二七

二七為火也南方為禮禮以別尊卑故有

也君臣

鬼神耗荒想之無方無冬無夏祭之無度故聖人

著之以祀典挽擬之一六

一六水也北方太陰也耗空也荒虛也空虛之地若鬼神

想象無有常方故無禮制祭祀失度是以聖人之為制典春秋冬夏以時祭之也

時天時力地

力維酒維食爰作稼穡挽擬之五五

五五土也時奉天之時盡地之力以

生五穀酒食是議取之於土也

古者寶龜而貨貝

自虞以上

後世君子易之

以金幣國家以通萬民以賴

自夏以下

挽擬之思慮

非思慮之明不

能轉易也建侯開國渙爵般秩以引百祿非福祿之至則

國祚不開爵秩不行故取三福之象越隕不令維用五刑刑出於禍

至有三禍故取象也秉圭戴璧臚湊羣辟棘木為杼削

至也辟君也羣辟諸侯也執持圭璧也謂棘木為杼削

諸侯朝見於君如八十一首繫於玄也棘木為杼削

木為杼杼既施民得以煥棘木為杼削

彈絲以和天下匏笙也革鼓也竹擊篪也

磬也絲琴瑟也移風易俗莫善於樂故和天下也和調也風為號令和今天下故擬八風而調八音也八風坎

為廣莫風艮為調風震為明庶風巽為清明風離為景風兌為闔闔風坤為涼風乾為不周風也 陰陽

相錯男女不相射人人物各由厥彙挽擬之虛羸

類彙

也人道正萬物理各得其類天地虛羸人所成也

日月相斛星辰不相觸音律

差列奇耦異氣父子殊面兄弟不孿帝王莫同挽擬之

歲

斛量也日月之行更相量度或合或覲故曰相斛也星五星也辰北極也轉相觸犯有行有流知時變也音

以聲律律以和聲次第差列奇耦陰陽氣節不同故曰異也父子異顏故曰殊面重生為孿孕不重逆故曰不學五帝三王服色異制故曰莫同歲運 噴以牙者童其

四方周而復始無時留滯故取象也

噴以牙者童其

角擲以翼者兩其足無角無翼材以道德挽擬之九日

平分

平分一首四日分則有餘二首九日則平故曰九日

足無翼無角材以道德天之無私如平九日無餘分也

存見知隱由邇擬遠推陰

陽之荒考神明之隱挽擬之畧刻

荒謂虛荒無可名之地此四句太玄之奧

秘也畧以知遠刻以考隱故擬之也

一明一幽跌剛跌柔知陰者逆知陽

者流挽擬之晝夜

逆謂逆知也流順也謂順得其事也幽明難知柔剛難慮晝以知陽夜以

知陰故擬晝夜以逆知微妙之事也

上索下索遵天之度往述來述遵天

之術無或改造遵天之醜挽擬之天元

索數也上數天下數地天地設

位各有度也醜類也往述往事也來述來事也天有四時遵之而行無或改造更作遵類而長之三統一元天

之太始故擬之也

天地神胞法易久而不已當往者終當來者

始挽擬之罔直蒙酋冥

胞謂胞胎也天地之所包養變法易度久而不已往來終始不

失其本罔直蒙酋冥示四方之玄本之五美之所成故擬之也故擬水於川水得其馴

擬行於德行得其中擬言於法言得其正

防川為水檢德為行範法

以正言者更相匡維之言也

言正則無擇

口無擇言也

行中則無爽

爽差也

水順則無散

以柔不犯難也

無敗故久也

長久不已

無爽故可觀也

行無差二可觀采也

無擇故可聽也

可聽從而行之

可聽者聖人之極也

極盡言無可觀者聖人之德也

可觀者聖人之德也

孝經容止可觀聖人之德故可觀也

可久

者天地之道也

長久之道無加於天地也

是以昔者羣聖人之作事

也

羣聖人謂庖犧以來諸述作之聖也

上擬諸天下擬諸地中擬諸人

仰觀

俯察近取諸身是也

天地作函日月固明五行該醜五嶽宗山四

瀆長川五經括矩

醜類也言天地函匱包有萬類合日月之明五行該有其類五嶽宗有太

山四瀆長先大川五經隱括其矩法天地兼含有之

天違地違人違而天下之大

事悖矣

三者皆違故悖逆也

太玄經卷九